

Headline	TNB raih anugerah tertinggi APBSP 2023		
MediaTitle	Harian Metro	Language	Malay
Date	22 Jan 2024	Readership	338,115
Circulation	112,705	Page No	23
Section	Bisnes	Journalist	N/A
ArticleSize	158 cm ²		
PR Value	RM 18,673		



TNB raih anugerah tertinggi APBSP 2023

Kuala Lumpur: Tenaga Nasional Bhd (TNB) meraih anugerah tertinggi pada Anugerah Penarafan Bintang Sasaran Penting (APBSP) 2023 untuk dedikasi yang kukuh terhadap keselamatan negara dan peralihan tenaga.

Menurut syarikat utiliti itu, pengiktirafan anugerah tertinggi 5 bintang kepada Pusat Kawalan Muatan Kuasa Nasional (NLDC) memperlihatkan kepakaran TNB dalam memastikan operasi pembekalan elektrik yang cekap selain kawalan keselamatan yang tinggi dan cemerlang bagi memastikan aset kritikal negara kekal selamat.

“Stesen Janakuasa Sultan Azlan Shah di Bersia, Perak serta substesen utama TNB di Bukit Tam-bun, Pulau Pinang dan Chuping, Perlis, turut diiktiraf 5 bintang dan 4 bintang dalam anugerah yang sama,” katanya dalam satu kenyataan.

APBSP 2023 dianjurkan oleh Pejabat Ketua Pegawai Keselamatan Kerajaan (CGSO) di bawah Jabatan Perdana Menteri (JPM).

Presiden dan Ketua Pegawai Eksekutif TNB, Datuk Seri Baharin Din berkata, syarikat akan sentiasa memantau keselamatan aset utama di seluruh negara dengan memberi ke-



Syarikat akan sentiasa memantau keselamatan aset utama di seluruh negara dengan memberi keutamaan kepada keupayaan pencegahan, pengurusan insiden dan menangani risiko keselamatan yang semakin berkembang”

Baharin Din

utamaan kepada keupayaan pencegahan, pengurusan insiden dan menangani risiko keselamatan yang semakin berkembang.

“Jabatan Perkhidmatan Keselamatan TNB, TNB Global Business Solutions (TGBS) yang berdepan pelbagai ancaman dan cabaran dalam menguruskan keselamatan aset bernilai RM206 juta di seluruh negara, memainkan peranan penting.

“Kerjasama dengan agensi keselamatan sentiasa menjadi komitmen kami. TNB setia memberikan sokongan padu untuk pembangunan dan pengkuhan keselamatan negara di tengah arus perubahan dinamik serta skop kerja yang semakin berkembang,” katanya.